

# **ZAKON O IZMJENAMA I DOPUNAMA ZAKONA O ZAŠTITI OKOLIŠA**

## **Član 1.**

U Zakonu o zaštiti okoliša ("Službene novine Federacije BiH", br. 33/03) u članu 4. iza definicije: "uticaj na okoliš - promjene u okolišu nastale korištenjem i opterećivanjem okoliša; dodaje se nova definicija koja glasi:

"strategijska procjena okoliša - sistematski proces vrednovanja okolinskih posljedica predloženih planova, programa ili strategija kako bi se još u ranoj fazi donošenja odluka uz ekonomska i društvena uključila i okolinska razmatranja", a iza definicije: "procjena uticaja na okoliš - identifikacija, opis i odgovarajuća procjena u odnosu na svaki pojedinačan slučaj, u skladu sa odredbama ovog zakona, direktan i indirektan uticaj nekog projekta na sljedeće elemente i faktore:

- ljude, biljni i životinjski svijet;
- zemljište, vodu, zrak, klimu i krajolike;
- materijalna dobra i kulturno naslijeđe;
- međudjelovanje faktora navedenih u podtač. jedan, dva i tri", dodaje se nova definicija koja glasi:

"plan aktivnosti - plan prilagođavanja postojećih pogona i postrojenja koji sadrži ciljeve, mjere i uvjete koji moraju zadovoljiti nove standarde zaštite svih segmenata okoliša sa utvrđenim sredstvima u utvrđenom roku".

## **Član 2.**

U članu 10. iza stava 2. dodaje se novi stav 3. koji glasi:

"Javnost ima pravo sudjelovati u postupcima koji se vode na zahtjev operatora u skladu sa ovim Zakonom ili drugim propisima."

Dosadašnji stav 3. postaje stav 4.

## **Član 3.**

U članu 18. u stavu 1. iza riječi "obuhvata" dodaju se riječi: "zaštitu od" a riječ "upotrebu" zamjenjuje se riječju "upotrebe".

## **Član 4.**

U članu 19. u stavu 1. i u članu 20. u stavu 1. iza riječi "obuhvata" dodaju se riječi: "zaštitu od" a riječi: "sve vrste" zamjenjuju se riječima: "svih vrsta".

#### **Član 5.**

U članu 20. dodaje se novi stav 3. koji glasi:  
"Sva pitanja u vezi sa zaštitom od buke i vibracija uredit će se posebnim zakonom."

#### **Član 6.**

U članu 21. iza riječi "obuhvata" dodaju se riječi: "zaštitu od" a riječi: "proizvedenu i prirodnu jonizaciju, nejonizirajuću radijaciju i termalnu radijaciju" zamjenjuju se riječima: "proizvedene i prirodne jonizacije, nejonizirajuće radijacije i termalne radijacije svih vrsta".

#### **Član 7.**

U članu 22. u stavu 1. riječi: "Federalno ministarstvo prostornog uređenja i okoliša " zamjenjuju se riječima: "Federalno ministarstvo okoliša i turizma" a riječ "omogućiti" zamjenjuje se riječju "naložiti".

U stavu 2. iza riječi "naseljenosti" dodaju se riječi: "i inteziteta korištenja okoliša, kao periodični izvještaj o stanju okoliša".

Iza stava 2. dodaje se novi stav 3. koji glasi:

"Federalni organi nadležni za oblast upravljanja vodama, meteorologiju, pedologiju, geologiju, zaštitu prirode, statistiku i druge upravne organizacije dužni su osigurati prikupljanje, obradu i evidentiranje odgovarajućih podataka i informacija, posebno o korišćenju i opterećenju okoliša iz svoje nadležnosti i dostaviti ih Ministarstvu, kao i drugim nadležnim organima na državnom nivou, te međunarodnim institucijama."

Dosadašnji stav 3. postaje stav 4.

#### **Član 8.**

U članu 36. u stavu 1. tačka 1. se briše.

Dosadašnja tačka 2. postaje tačka 1.

U stavu 4. iza tačke 3.alineja f) dodaje se nova alineja g) koja glasi:

g) "prijedlogu rješenja o izdavanju okolinske dozvole".

U istom stavu, u tački 5., riječ "odluke" zamjenjuje se riječju "rješenja".

## **Član 9.**

U članu 37. u stavu 1. riječ "odluka" zamjenjuje se riječju "rješenja".

U stavu 3. riječ "odluke" zamjenjuje se riječju "rješenja".

U stavu 4. riječi: "donesenoj odluci" zamjenjuje se riječima: "donesenom rješenju".

## **Član 10.**

U članu 38. riječi u naslovu: "Pristup pravdi" zamjenjuju se riječima: "Pravo žalbe".

## **Član 11.**

U članu 45. u stavu 1. u tački 1. riječ "plan" zamjenjuje se riječju "program".

## **Član 12.**

U članu 46. stav 1. riječ "Plan" zamjenjuje se riječju "Program".

U stavu 3. riječ "plana" zamjenjuje se riječju "programa".

## **Član 13.**

U članu 48. u stavu 2. u tački 1. riječi: "Federalna strategija zaštite voda" zamjenjuje se riječima: "Federalna strategija upravljanja vodama".

## **Član 14.**

U članu 51. stav 1. mijenja se i glasi:

"Organi nadležni za izradu dokumenata prostornog uređenja i organi nadležni za izradu planova, programa i strategija iz oblasti: poljoprivrede, ribarstva, šumarstva, energije, rudarstva i industrije, transporta, upravljanja otpadom, upravljanja vodama i čiji sadržaji mogu imati negativan uticaj na okoliš - dužni su izraditi strategijsku procjenu okoliša."

## **Član 15.**

U članu 52. stav 1. mijenja se i glasi:

"Strategijska procjena okoliša sadrži:

- procjenu okolinskog stanja;
- identifikaciju razvojnih ciljeva određivanjem prioriteta sa stanovišta okoliša/održivog razvoja;
- razmatranje razvojnih alternativa za ciljeve i prioritete realizacije;
- izradu prijedloga okolinske procjene;
- određivanje okolinskih indikatora za praćenje uticaja na okoliš i promjene stanja okoliša;
- integraciju planiranih mjera u završni dokument planova, programa i strategija."

U stavu 2 .iza riječi "uređenja" dodaju se riječi: "strategija, planova ili programa iz federalne nadležnosti dostavljaju se federalnim ministarstvima nadležnim za oblast okoliša i zdravlja".

U stavu 3. iza riječi "okoliša" dodaju se riječi: "iz federalne nadležnosti".

Iza stava 3. dodaje se novi stav 4. koji glasi:

"Strategijsku procjenu okoliša iz kantonalne nadležnosti donosi vlada kantona."

### **Član 16.**

U naslovu IX. riječi "(EIA)" se brišu i dodaju riječi: "I OKOLINSKA DOZVOLA".

### **Član 17.**

U članu 54. dodaju se novi st. 2., 3. i 4. koji glase:

"Za izdavanje okolinske dozvole podnosi se zahtjev za izdavanje okolinske dozvole.

Okolinsku dozvolu izdaje nadležno ministarstvo u formi rješenja.

Okolinska dozvola se izdaje:

- donošenjem rješenja za izdavanje okolinske dozvole u slučajevima gdje nije potrebna prethodna procjena uticaja na okoliš,
- donošenjem rješenja za izdavanje okolinske dozvole nakon provedene procedure prethodne procjene uticaja na okoliš u slučajevima gdje je potrebna samo prethodna procjena uticaja na okoliš,
- donošenjem rješenja za izdavanje okolinske dozvole nakon prihvaćene studije o uticaju na okoliš."

### **Član 18.**

Iza člana 54. dodaje se novi član 54.a koji glasi:

### **"Član 54.a**

## Zahtjev za izdavanje okolinske dozvole

Zahtjev za izdavanje okolinske dozvole sadrži:

" ime i adresu operatora/investitora;

" izvod iz planskog akta odnosno područja sa ucrtanom legendom o namjeni površina šireg područja i namjenama površine predmetne lokacije,

" lokaciju pogona i postrojenja kao i opis:

- pogona i postrojenja i aktivnosti (plan, tehnički opis rada itd.),

- osnovnih i pomoćnih sirovina, ostalih supstanci i energije koja se koristi ili koju proizvodi pogon i postrojenje,

- izvora emisija iz pogona i postrojenja,

- stanja lokacije pogona i postrojenja,

- prirode i količine predviđenih emisija iz pogona i postrojenja u okoliš (zrak, voda, tlo) kao i identifikaciju značajnih uticaja na okoliš,

- predloženih mjera, tehnologija i drugih tehnika za sprečavanje ili ukoliko to nije moguće, smanjenje emisija iz postrojenja,

- mjera za sprečavanje produkcije i za povrat korisnog materijala iz otpada koji produkuje postrojenje,

- ostalih mjera radi usklađivanja sa osnovnim obavezama operatora posebno mjera nakon zatvaranja postrojenja,

- mjera planiranih za monitoring emisija unutar područja i/ili njihov uticaj,

- predviđenih alternativnih rješenja;

" kopiju zahtjeva za dobijanje drugih dozvola koje će biti izdate zajedno sa okolinskom dozvolom;

" netehnički rezime i

" plan upravljanja otpadom.

Za pogone i postrojenja za koje je obavezna izrada studije o procjeni uticaja na okoliš, uz zahtjev za izdavanje okolinske dozvole umjesto podataka iz stava 1. ovog člana podnosi se studija o uticaju na okoliš.

Investitor je dužan studiju o procjeni uticaja na okoliš dostaviti na ocjenu nadležnom ministarstvu u roku od šest mjeseci od dana donošenja zaključka o izradi studije."

## Član 19.

U članu 55. u stavu 2. riječ "postupku" zamjenjuje se riječju "postupak", riječ "zainteresirani" zamjenjuje se riječju "nadležni" a iza riječi: "organi na" dodaje se riječ "općinskom", iza koje se dodaje zarez.

## Član 20.

U članu 56. riječ u naslovu "Projekti" zamjenjuje se riječima: "Pogoni i postrojenja".

U stavu 2. tačka 1. se briše.

Dosadašnje tač.2. i 3. postaju tač.1. i 2.

U stavu 3. iza riječi "okoliš" dodaju se riječi: "te donosi rješenje o izdavanju okolinske dozvole".

### **Član 21.**

U članu 57. dodaje se novi stav 2. koji glasi:

"Ukoliko na osnovu zahtjeva za izdavanje okolinske dozvole i priloženih dokaza utvrdi da nije potrebna izrada studije o procjeni uticaja na okoliš nadležno ministarstvo donosi rješenje o izdavanju okolinske dozvole na osnovu prethodne procjene uticaja na okoliš."

### **Član 22.**

U članu 58. st. 1. i 2. se brišu.

Dosadašnji stav 3. postaje stav 1., mijenja se i glasi:

"Za pogone i postrojenja za koja je potrebna prethodna procjena uticaja na okoliš nadležno ministarstvo dostavlja zahtjev za izdavanje okolinske dozvole, zajedno sa priložima, nadležnim organima i zainteresiranim subjektima radi davanja mišljenja i sugestija."

U dosadašnjem stavu 4., koji postaje stav 2. riječ "trideset" zamjenjuje se riječju "petnaest".

Dosadašnji stav 5. se briše.

### **Član 23.**

U članu 59. u st. 1. i 2. riječ "rješenje" u odgovarajućem padežu zamjenjuje se riječju "zaključak" u odgovarajućem padežu.

U stavu 1. riječ "trideset" zamjenjuje se riječju "petnaest".

U stavu 2. tač. 2. i 3. se brišu.

Iza stava 2. dodaju se novi st. 3. i 4. koji glase:

"Ocjenu studije o procjeni uticaja na okoliš vrši stručna komisija koju imenuje ministar. Sastav, naknade kao i druga pitanja vezana uz rad komisije propisat će nadležni ministar provedbenim propisom."

Dosadašnji st. 3., 4. i 5. postaju st. 5., 6. i 7.

U stavu 7. ispred riječi "Provedbenim" dodaje se riječ "Istim", riječ "Provedbenim" zamjenjuje se riječju "provedbenim", iza riječi "okoliš" dodaju se riječi: "lista nosilaca izrade studije o procjeni uticaja na okoliš", a riječi: "stava 3." zamjenjuju se riječima: "stava 5.".

### **Član 24.**

U članu 64. stav 1. mijenja se i glasi:

"Nadležno ministarstvo će na osnovu ocjene studije o procjeni uticaja na okoliš donijeti rješenje o okolinskoj dozvoli u roku od 30 dana od dana dostavljanja ocjene."

Stav 2. mijenja se i glasi:

"Okolinska dozvola neće biti izdata ukoliko rezultati Studije o procjeni uticaja na okoliš pokažu:".

U tački 1. brišu se riječi: "se utvrdi".

U stavu 3. riječi: "Rješenjem o odobravanju ili odbijanju Studije o uticaju na okoliš" zamjenjuju se riječima: "Rješenje o okolinskoj dozvoli".

## **Član 25.**

Član 65. se briše.

## **Član 26.**

Član 69. se briše.

## **Član 27.**

U članu 72. u stavu 1. riječi: "2008. godine" zamjenjuju se riječima: "31.12.2011. godine".

Stav 2. mijenja se i glasi:

"Zahtjev za izdavanje okolinske dozvole za postojeće pogone i postrojenja obavezno sadrži planove aktivnosti."

Iza stava 2. dodaje se novi stav 3. koji glasi:

"Rok za izdavanje okolinske dozvole je 60 dana od dana ocjene plana aktivnosti."

## **Član 28.**

U članu 73. iza riječi " ministarstvo" dodaju se riječi: "i inspektora" a iza riječi "emisija" dodaju se riječi: "u skladu sa okolinskom dozvolom i provedbenim propisom".

## **Član 29.**

U članu 74. u stavu 1. riječi: "Nadležno ministarstvo razmatra i vrši izmjenu okolinske dozvole,

ili ukoliko ona nije potrebna, urbanističke saglasnosti ukoliko: " zamjenjuje se riječima: "Nadležno ministarstvo ponovo razmatra i vrši izmjenu okolinske dozvole ukoliko je:".

U stavu 1. tačka 1. mijenja se i glasi:

"- zagađenje koje stvara pogon i postrojenje toliko značajno da prelaze granične vrijednosti utvrđene u okolinskoj dozvoli;"

U stavu 2. iza riječi "zahtjev" dodaju se riječi: "nadležne inspekcije za okoliš i".

### **Član 30.**

U članu 75. u stavu 2. iza riječi "ministarstvu" dodaju se riječi: "i nadležnom inspektor".

### **Član 31.**

U članu 76. u stavu 1. iza riječi "ministarstvo" dodati riječi: "i nadležnog inspektora".

### **Član 32.**

U članu 87. stav 1. mijenja se i glasi:

"Federalni ministar propisuje standarde donošenjem najbolje raspoloživih tehnika kojima se postižu standardi kvaliteta okoliša kako bi se negativni uticaji pogona i postrojenja ili aktivnosti na okoliš spriječili ili sveli na najmanju moguću mjeru, a posebno:

- uspostavljanjem graničnih vrijednosti emisija za zagađujuće materije,
- određivanjem tehnoloških i operativnih zahtjeva za pogone i postrojenja i
- određivanjem zahtjeva za mjerenje, monitoring i podnošenje zahtjeva."

### **Član 33.**

U članu 90. stav 2. mijenja se i glasi: "Inspeksijski nadzor vrši nadležni inspektor zaštite okoliša."

Stav 3. i 4. se brišu.

Dosadašnji st. 5., 6., 7., 8. i 9. postaju st. 3., 4., 5., 6. i 7.

### **Član 34.**

U članu 91. u stavu 1. brišu se riječi: "inspekciju i".

Iza stava 1. dodaju se novi st. 2. i 3. koji glase:

"Kontrolu pogona i postrojenja iz stava 1. ovog člana vrši stručna komisija koju formira ministar na period od jedne godine.

Sastav, način rada, naknade i druga pitanja vezana uz komisiju propisat će ministar provedbenim propisom."

Dosadašnji stav 2. postaje stav 4.

### **Član 35.**

U članu 104. stav 3. iza riječi "naftovodi" dodaju se riječi: "i skladišta tekućih atmosferskih gasova".

### **Član 36.**

U članu 116. u stavu 1. riječi: " od 1.000,00 KM do 10.000,00 KM" zamjenjuju se riječima: "od 3.000,00 KM do 15.000,00 KM".

U stavu 2. riječi: "od 500,00 KM do 2.000,00 KM" zamjenjuju se riječima: "od 300,00 KM do 1.500,00 KM", a iza riječi: "kaznit će se" dodaju se riječi: "fizičko lice i".

### **Član 37.**

U članu 117. u stavu 1. iza riječi "člana" dodaju se riječi: "20. i".

### **Član 38.**

U čl. 57., 59., 60., 61., 63., 64. i 71. iza riječi: "studija o" dodaje se riječ "procjeni" u odgovarajućem padežu.

### **Član 39.**

Ovlašćuje se Zakonodavno-pravna komisija Predstavničkog doma Parlamenta Federacije Bosne i Hercegovine i Zakonodavno-pravna komisija Doma naroda Parlamenta Federacije Bosne i Hercegovine da utvrde prečišćeni tekst Zakona o zaštiti okoliša.

### **Član 40.**

Ovaj Zakon stupa na snagu osmog dana od dana objavljivanja u "Službenim novinama Federacije BiH".

PREDSJEDAVAJUĆI  
DOMA NARODA  
PARLAMENTA FEDERACIJE BiH

Stjepan Krešić

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Safet Softić